



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ  
ԷՐԵՐՈՒՄԻ Ն.

(ՀՀ, համայնք ԵՐԵՎԱՆ, ԷՐԵՐՈՒՄԻ, ԽՈՐԵՆԱՑՈՒ Փ., մասնաշենք 162Ա)



11 սեպտեմբերի 2024թ.

ք. Երևան

*Հայաստանի Հանրապետության Երևան քաղաքի առաջին ատյանի ընդհանուր  
իրավասության քաղաքացիական դատարանը (դատավոր Կ. Արզումանյան) (այսուհետ՝  
Դատարան),*

քննելով ըստ հայցի «Ագաստ» ՍՊԸ-ի ընդդեմ «Գորիսի բժշկական կենտրոն» ՓԲԸ-ի՝  
«Ագաստ» ՍՊԸ-ին գնումների գործընթացին մասնակցելու իրավունք չունեցող  
մասնակիցների ցուցակում ներառելու մասին «Գորիսի բժշկական կենտրոն» ՓԲԸ-ի  
տնօրենի 15.07.2024 թվականի թիվ 301 որոշումն անվավեր ճանաչելու պահանջի մասին,  
հայցադիմումը վարույթ ընդունելու հարցը,

ՊԱՐԶԵՑ

Դիմելով Դատարան՝ «Ագաստ» ՍՊԸ-ն խնդրել է անվավեր ճանաչել «Գորիսի բժշկական  
կենտրոն» ՓԲԸ-ի տնօրենի 15.07.2024 թվականի թիվ 301 որոշումը՝ «Ագաստ» ՍՊԸ-ին  
գնումների գործընթացին մասնակցելու իրավունք չունեցող մասնակիցների ցուցակում  
ներառելու մասին:

Հայցվորի ներկայացուցչի կողմից ներկայացված հայցադիմումը 06.09.2024 թվականին  
մակագրվել է Դատարանին:

(1) Ուսումնասիրելով հայցադիմումը և կից փաստաթղթերը՝ Դատարանը գտնում է, որ  
հայցադիմումը ներկայացվել է ՀՀ քաղաքացիական դատավարության օրենսգրքով  
սահմանված պահանջների պահպանմամբ, և առկա չեն հայցադիմումի ընդունումը  
մերժելու կամ այն վերադարձնելու հիմքերը:

(2) ՀՀ քաղաքացիական դատավարության օրենսգրքի 234.6-րդ հոդվածի 2-րդ մասի  
համաձայն՝ հայցադիմումը վարույթ ընդունելու հետ միաժամանակ դատարանը  
կայացնում է որոշում՝ պատասխանողից տվյալ գնման գործընթացի հետ կապված

պատասխանողի տիրապետման տակ գտնվող բոլոր ապացույցները պահանջելու մասին: Նույն հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում: Մույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

ՀՀ քաղաքացիական դատավարության օրենսգրքի 234.7-րդ հոդվածի 1-ին մասի համաձայն՝ հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:

ՀՀ քաղաքացիական դատավարության օրենսգրքի 234.10-րդ հոդվածի 1-ին մասի համաձայն՝ վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

Նույն հոդվածի 2-րդ մասի համաձայն՝ պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարինությունը իրենից անկախ պատճառներով:

Հաշվի առնելով վերոգրյալը՝ Դատարանը գտնում է, որ «Գորիսի բժշկական կենտրոն» ՓԲԸ-ից պետք է պահանջել «Ագաստ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին 15.07.2024 թվականի թիվ 301 որոշման հիմքում ընկած փաստերը հաստատող ապացույցները:

Մինևնույն ժամանակ Դատարանը հարկ է համարում պարզաբանել, որ սույն որոշումն ստանալուց հետո՝ հնգօրյա ժամկետում պատասխանողը կարող է ներկայացնել տվյալ գնման գործընթացի հետ կապված իր տիրապետման տակ գտնվող բոլոր ապացույցները միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարինությունը՝ իրենից անկախ պատճառներով, ինչպես նաև հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 5-րդ, 199-րդ, 200-րդ, 410-414-րդ հոդվածներով, 27.2-րդ գլխի կանոններով՝ Դատարանը

### ՈՐՈՇԵՑ

1. Հայցադիմումն ընդունել վարույթ:
2. «Գորիսի բժշկական կենտրոն» ՓԲԸ-ից պահանջել «Ագաստ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին 15.07.2024 թվականի թիվ 301 որոշման հիմքում ընկած փաստերը հաստատող ապացույցները:
3. Գործի քննության արդյունքում կայացվող եզրափակիչ դատական ակտը հրապարակել

2024 թվականի հոկտեմբերի 18-ին՝ դատական իշխանության պաշտոնական կայքի միջոցով:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

Որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին՝ [secretariat@minfin.am](mailto:secretariat@minfin.am):

## **Դատավոր՝ Կինա Արզումանյան**

---

*Տվյալ ֆայլերին կարող եք ծանոթանալ նաև մուտք գործելով ["Էլեկտրոնային դատավարություն"](http://էլեկտրոնային.դատավարություն) համակարգ՝ [cabinet.armlex.am](http://cabinet.armlex.am)*